

Von Feldtmessen.

3

schlecht geflossen / zugeengnet / vnd nach dem Sündfluß vnder sie in drey gleiche theil getheilet / Als Asia / Europa / vnd Affrica.

Asia sahet an von Mittag / vñ zeucht durch Auffgang d Sonnen / vnd endet sich gegen Mitternacht / Dis theil Erdtrichs hat Sem von Noe empfangen / vnd mit seinen siben vnd zwenzig geschlechten ingehabt vnd besessen / von denen die freyen menschen entsprossen seyndt.

Europa das ander theil des Erdtrichs / entfahet seinen anfang von Mitternacht / vñ erreicht sein Ende gegen der Sonnen Nidergang / vnd hat Japhet dis theil Erdtrichs von Noe eingenommen / vnd mit seinen fünffzehn Geschlechten inngehabt vnd bewohnt / vnd ist der Adel / Ritter vnd Rittermessigen auf jnen gewurkelt.

Affrica das drit theil des Erdtrichs / hat seinen Anhab von Nidergang der Sonnen / vnd erstreckt sich bis zu anfang des Mittags. Diese Gegne ist Cham zugetheilt / vnd hat die mit seinen dreysig geschlechten besessen vnd verwaltet / vnd seynd von ihm die Baurn / die Knecht / das seynd die Engenleut / entsprossen.

Wie die drey obgeschribenen Theile ferner vnd derscheiden seynd.

Diese oben angezeigten drey Theile der Welt / seynd fürter vnd
derschieden vñ getheilt worden in Lande / die Lande in König-
reich / die Königreich in Fürstenthumb / Herzogthum / Marg-
graffschafften / Herrschafften / &c. Dieselben in Gegne / Felder / Ge-
marken / Gewänden / Ecker / Weingarten / Morgen / Tucharten /
Mansmat / Tagwerck / &c. Demnach hat ein jedes Land / Statt / Fleck /
Dörffer / Weiler / &c. in seim Felde / gewenden / eigen theilung / eigen
Mefstruten / maß vnd namen angenommen / wie Barro in seinem ersten
Buch / das er zu Fundana seiner Hauffrauwē von den Beutwrischen
dingen / im zehenden Capitel schreibt / da er anzeigt / das maß vnd na-
men in Hispania vnd in Campania &c. gebraucht.

iiij

Deshalb